

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-45-19405/23  
Sarajevo, 30.01.2024. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-25701/22 od 10.12.2022. godine, u predmetu javne nabavke "Nabavka usluge vršenja stručno – tehničkog nadzora nad izvođenjem radova iz oblasti javne rasvjete i elektro radova" u Otvorenom postupku javne nabavke, objavljenom u Službenom glasniku BiH, br. 60/23 i Portalu javne nabavke, br. 422-1-2-211-3-231/23 od 29.08.2023. godine, u ponovnom postupku, na Preporuku Komisije za javne nabavke roba i usluga, Općinski načelnik, donosi

### **O D L U K U**

1. Prihvata se ponuda ponuđača MANEDRA COMNANY d.o.o. Mostar, sa ponudom u iznosu 14.000,00 KM bez PDV-a, odnosno 16.380,00 KM sa PDV-om, u predmetu javne nabavke "Nabavka usluge vršenja stručno – tehničkog nadzora nad izvođenjem radova iz oblasti javne rasvjete i elektro radova" u Otvorenom postupku javne nabavke, objavljenom u Službenom glasniku BiH, br. 60/23 i Portalu javne nabavke, br. 422-1-2-211-3-231/23 od 29.08.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.

3. Protiv ove Odluke dozvoljena je žalba u roku od 10 dana od dana prijema iste.

### **O b r a z l o ž e n j e**

Postupak javne nabavke – "Nabavka usluge vršenja stručno – tehničkog nadzora nad izvođenjem radova iz oblasti javne rasvjete i elektro radova", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 60/23 i Portalu javne nabavke, br. 422-1-2-211-3-231/23 od 29.08.2023. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaraња ponuda od 25.10.2023. godine utvrđeno da su zaprimljene tri ponude:

1. IPSA INSTITUT d.o.o. Sarajevo, sa ponudom u iznosu od 24.999,39 KM sa PDV -om,
2. MANEDRA–COMPANY d.o.o. Mostar, sa ponudom u iznosu od 24.979,50 KM sa PDV – om,
3. INSTITUT ZA GRAĐEVINARSTVO "IG" d.o.o. Banja Luka, sa ponudom u iznosu od 24.903,45 sa PDV – om,

- Da je Izvještajem i Preporukom komisije za javne nabavke roba i usluga, br. 02/12-45-19405/23 od 23.11.2029 godine utvrđeno da ponude ponuđača MANEDRA–COMPANY d.o.o. Mostar i IPSA INSTITUT d.o.o. Sarajevo ispunjavaju uslove specificirane tenderskom dokumentacijom,

- Da ponuda ponuđača INSTITUT ZA GRAĐEVINARSTVO "IG" d.o.o. Banja Luka ne ispunjava uslove iz tačke 4.2.1. pod h) "Dokaz da je ponuđač uspješno izvršio više ugovora koji za predmet imaju usluge vršenja stručno tehničkog nadzora nad izvođenjem radova iz oblasti javne rasvjete i elektro radova, zbirne vrijednosti najmanje 25.000,00 KM, te je ponuda navedenog ponuđača odbačena, shodno članu 68. Zakona o javnim nabavkama.

- Da je Odlukom o pokretanju javne nabavke prediđeno provođenje e – aukcije, te je shodno Pravilniku o uvjetima I načinu korištenja e – aukcije, utvrđena početna rang lista ponuđača koji su dokazali kvalifikacije za učešće u predmetnom postupku javne nabavke, kako slijedi;

1. MANEDRA–COMPANY d.o.o. Mostar, sa ponudom u iznosu 21.350,00 KM bez PDV-a
  2. IPSA INSTITUT d.o.o. Sarajevo, sa ponudom u iznosu 21.367,00 KM bez PDV -a,
- Da je Izvještajem o toku i završetku e – aukcije sa konačnom rang listom ponuđača koji je preuzet iz sistema javne nabavke od 22.11.2023. godine utvrđena konačna ista ponuđača:
    1. MANEDRA–COMPANY d.o.o. Mostar, sa ponudom u iznosu 12.900,00 KM bez PDV-a
    2. IPSA INSTITUT d.o.o. Sarajevo, sa ponudom u iznosu 13.100,00 KM bez PDV -a,
  - Da je Izvještajem Komisije za javne nabavke br. 02/12-45-19405/23 od 23.11.2023. godine data Preporuka za donošenje Odluke o dodjeli ugovora ponuđaču MANEDRA–COMPANY d.o.o. Mostar, sa ponudom u iznosu 12.900,00 KM bez PDV-a, odnosno 15.093,00 KM sa PDV – om, br. 02/12-45-19405/23 od 27.11.2023. godine,
  - Da su ponuđači Institut za građevinarstvo “IG” d.o.o. Banja Luka i IPSA INSTITUT d.o.o. Sarajevo, protiv Odluke Općine Novi Grad Sarajevo, br. 02/12-45-19405/23 od 27.11.2023. godine o prihvatanju kao najpovoljnije ponude ponuđača MANEDRA -COMPANY d.o.o. Mostar, izjavili žalbu,
  - Da su žalbe dopuštene, blagovremene i izjavljene od ovlaštenih lica,
  - Da je Komisija za javne nabavke izvršila razmatranje žalbenih navoda, shodno članu 100.

Zakona o javnim nabavkama, te utvrdila sljedeće:

- Da žalitelj IPSA INSTITUT d.o.o. Sarajevo u dostavljenoj žalbi navodi da izabrani ponuđač MANEDRA – COMPANY d.o.o. Mostar ne ispunjava uslove specificirane tačkom 4.4. tenderske dokumentacije, obzirom da je u Obrascu za cijenu ponude, Aneks 3. u okviru kojega u koloni “Vršenje stručnog nadzora” upisan iznos od “0,99 % od 2.150.000,00 KM bez PDV- a”, te u koloni “Cijena bez PDV -a” upisuje iznos od “21.350,00”, umjesto 21.285,00 KM.

Žalitelj dalje navodi da se navedena greška ponavlja u Obrascu za ponudu - Aneksu 2. gdje izabrani ponuđač u “Izjavi ponuđača” navodi da cijena njegove ponude bez PDV-a u iznosu od 21.350,00 KM, umjesto 21.285,00 KM.

Žalitelj dalje ističe da je ugovorni organ propustio provjeriti tačnost podataka navedenih u Obrascu za cijenu ponude izabranog ponuđača MANEDRA –COMPANY d.o.o. Mostar i tako protivno propisima dodjelio ugovor navedenom ponuđaču, te zahtjeva da se ugovor dodjeli žalitelju IPSA INSTITUT d.o.o. Sarajevo budući da je samo navedeni ponuđač dostavio prihvatljivu i potpunu ponudu ili navedeni postupak javne nabavke poništi.

- Da je razmatrajući navode žalbe žalitelja IPSA INSTITUT d.o.o. Sarajevo utvrđeno da je ista djelimično osnovana tj. da ponuda izabranog ponuđača MANEDRA – COMPANY d.o.o. Mostar nije računski ispravna, obzirom da je utvrđeno da 0,99 % koliko je naznačeno u Aneksu 3 ponude od 2.150.000,00 KM iznosi 21.285,00 KM, a ne 21.350,00 KM kako je to navedeno u ponudi izabranog ponuđača, ali nisu osnovani žalbeni navodi da navedena računska greška čini ponudu izabranog ponuđača neprihvatljivom.

Nadalje, postupajući po navodima žalbe, Komisija je utvrdila računsku grešku te zatražila saglasnost na ispravku iste od strane ponuđača MANEDRA – COMPANY d.o.o. Mostar, shodno članu 17. stav 5. i 6. Uputstva o modelu pripreme tenderske dokumentacije i ponuda, a koja je dostavljena aktom navedenog ponuđača od 09.01.2024. godine.

Žalitelj Institut za građevinarstvo “IG” d.o.o. Banja Luka u žalbi ističe da je njegova ponuda odbačena zbog neispunjavanja uslova iz tačke 4.2.1. pod h) tenderske dokumentacije, a u vezi sa tačkom 3.4.2. kojom je zahtjevan dokaz da je ponuđač uspješno izvršio više ugovora koji za predmet imaju usluge vršenja stručno-tehničkog nadzora nad izvođenjem radova iz oblasti javne rasvjete i elektro radova, zbirne vrijednosti najmanje 25.000,00 KM, neosnovano imajući u vidu da na stranicama 73/74 svoje ponude se nalazi potvrda br. 391/23 od 28.09.2023. godine kojom se potvrđuje da je žalilac “IG” d.o.o. Banja Luka u periodu od jula do avgusta 2023. godine za potrebe investitora GP Jedinstvo d.o.o. Gradiška uspješno izvršio usluge stručno-tehničkog nadzora nad nadogradnjom, opremanjem i uvezivanjem sistema za uzbunjivanje za vrijeme miniranja na površinskom kopu dijabaza na kamenolomu Trnava u Gornjim Podgradcima, općina Gradiška u vrijednosti od 58.600,00 KM čime je žalilac dokazao ispunjenost drugog dijela uslova iz tačke 3.4.1. tenderske dokumentacije – nadzor u oblasti **elektro radova**.

Žalilac dalje navodi da se sistem uzbunjivanja sastoji od sljedećih elemenata:

- Upravljački tabo za pokretanje sistema uzbunjivanja kod planskog aktiviranja,
- Senzorski elementi sistema za uzbunjivanje, elementi za signalizaciju nužnog zaustavljanja,

- Programabilna mikroprocesorska jedinica,
- Izvršni elementi sistema uzbunjivanja,
- Telekomunikaciono povezivanje elemenata sistema,
- Elektroenergetsko napajanje elemenata sistema na više lokacija.

Žalilac dalje navodi da je potvrdom koja se nalazi na stranici 75/76 njegove ponude, potvrda br. 05-03/11-23-640/22 od 11.04.2022. godine potvrđuje da je žalitelj u periodu avgust-novembar 2020. godine za potrebe investitora Grad Tuzla uspješno izvršio usluge Nadzor nad izvođenjem radova za LOT 1 – nabavka radova na rekonstrukciji sportske rasvjete gradskog stadiona TUŠANJ u vrijednosti od 660,28 KM čime je žalitelj dokazao ispunjenost uslova iz tačke 3.4.1. pod a) tenderske dokumentacije nadzor u oblasti javne rasvjete.

Dalje se ističe u žalbi da zbir navedene dvije potvrde iznosi preko 25.000,00 KM, čime smatraju da su ispunili uslove zahtjevane tenderskom dokumentacijom.

- Da je Komisija, razmatrajući žalbene navode žalitelja Institut za građevinarstvo "IG" d.o.o. Banja Luka prihvatila iste kao osnovane, obzirom da je žalitelj putem obrazloženja žalbenih navoda, izvršio pojašnjenje stavki u potvrdama o uspješnoj realizaciji ugovora, a koje se odnose na nadzor iz oblasti javne rasvjete i elektro instalacija.

Shodno navedenom, Komisija je u žalbenom postupku uvažila žalbe ponuđača INSTITUT ZA GRAĐEVINARSTVO "IG" d.o.o. Banja Luka i IPSA INSTITUT d.o.o. Sarajevo, te je dala Izještaj sa Preporukom, br. 02/12-456-19405/23 od 09.01.2024. godine za donošenje Odluke o stavljanju van snage Odluka Općine Novi Grad Sarajevo, br. 02/12-45-19405/23 od 27.11.2023. godine o izboru najpovoljnijeg ponuđača MANEDRA – COMPANY d.o.o. Mostar, a koja je donešena pod brojem 02/12-456-19405/23 od 09.01.2024. godine.

- Da je nakon što je navedena Odluka postala konačna, Komisija ponovno zakazala e – aukciju u sistemu javnih nabavki Agencije za javne nabavke BiH koja je održana dana 29.01.2024. godine kada je Izvještaj o toku i završetku e – aukcije Agencije za javne nabavke BiH skinut sa portala javnih nabavki sa Konačnom rang listom ponuđača koji su učestvovali u e – aukciji, kako slijedi:

1. MANEDRA -COMPANY d.o.o. Mostar, sa ponudom od 14.000,00 KM bez PDV -a,
2. INSTITUT ZA GRAĐEVINARSTVO "IG" d.o.o. Banja Luka, sa ponudom od 14.100,00 bez PDV- a,
3. IPSA INSTITUT d.o.o. Sarajevo, sa ponudom u iznosu od 15.001,00 KM bez PDV – a.

Obzirom da se radi o javnoj nabavci "Nabavka usluge vršenja stručno – tehničkog nadzora nad izvođenjem radova iz oblasti javne rasvjete i elektro radova" u Otvorenom postupku javne nabavke, objavljenom u Službenom glasniku BiH, br. 60/23 i Portalu javne nabavke, br. 422-1-2-211-3-231/23 od 29.08.2023. godine, u ponovnom postupku, Komisija je ocijenila da sve tri ponude ispunjavaju uslove specificirane tenderskom dokumentacijom, to je na Preporuku Komisije za javne nabavke roba i usluga, shodno članu 64. stav 1. tačka b) Zakona o javnim nabavkama BiH, odlučeno kao u dispozitivu.

**Pouka o pravnom lijeku:**

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

**DOSTAVITI:**

1. Služba za zajedničke poslove
2. U spis

